

重修任縣志序



夫春秋經也左氏傳也遷史
倣尤傳而作者也今之史卽
春秋遺法志卽遷史遺意乎
微志星野疆域胡以分租庸

序一

賦鎔胡以定風土物產胡以
識德業文章胡以傳邑志蓋
汲汲哉渚陽舊無志萃峯衛
公寔爲權輿或者病其桀樞
蓬戶似矣第溯放勲迨鬲

宗末祀閱春秋三千九百二
十有三歷世久遠典籍泯然
作志者若于巢居穴處之時
而營堂構後人方且奉爲鼻
祖病其掛漏得乎計衛公絕

序二

筆以來百有餘載予有志續
貂而未逮適奉

詔修天下郡邑志自維謏劣
踖久之蓋文獻無徵蒐討失
據難一學慙奪席識閤徵瓜

則爛毫罔摺難二博矣設令
散錢無索則將拆襪貽譏難
三才矣設又令蝮神牛鬼佞
屈聲牙觀者有不笑爲疥駝
乎難四次序旣歸條理文章

序三

已就腴萃抑或好惡淆於愛
憎揄揚奪於勢利不又同魏
收穢史乎難五茲數者有一
於此鮮克搯觚吾能免乎否
然奉

詔不敢譏不敏乃與陳子具區
取舊志討論之補漏刪蕪正
訛攷僞詢諸故老採之貞珉
百餘載旣絕之書編年取
法乎麟經序事折衷乎遷史

序四

庶幾纒然改觀矣特慮百城
未擁二西多遺朱能追跡董
狐徒炫土龍乞雨後人得無
以蓬病衛公者病我乎造

爲渚

起者矣至於叅訂則任子允
言采集則史生 樸謝生元
震孫生觀光杜生民賀均有
力焉皆

清康熙拾貳年歲次癸丑季

序五

春望後三日

賜進士文林郎知任縣事前刑

部江西清吏司主事晉陵

季芷介菴題



補任縣志序

古者天子巡狩諸侯
各志其山川風俗及
職方所司而敷奏之
秦并天下置郡國巡

序

一

狩風息而遠國土物
多不達宸聽漢建
元中詔舉才能董子
賈生輩出稱言災異
至太史公行天下周

覽四海名山大川與
燕趙間豪傑故其文
博而不離秦漢以下
學者宗之今之州郡
志皆述子長之遺

序

二

而無其雄肆者也余
歷任濬陽毅閱月捧
檄序舊志余不敏愧
不克襄厥事乃責無
容辭姑勉強從事

任邑春秋古晉地世
多賢俊秀間出厥田
上中近為水所沒民
不得耕種始多饑寒
色移徙也俗尚儉朴

序

三

崇節義古道猶有存
者夫邑有名賢著之
史冊以為奕世法如
游氏諸人末易一二
數也後之人詳其里

見其為人

起焉豈不偉哉

廢明盛德滅世家

士夫節女之義事

火矣亦唯

序

四

之志未整齊其傳

不煙蔓

復識

皆

大清康熙拾玖年歲次

庚申捌月既望後叁

日

賜進士出身文林郎知

序

五

任縣事河東程軒舉

涑齋甫題



續補任縣志序
古者九州有志列國有史
紀其疆域土田貢賦文物
之闕於國及者掌之小史
外史而藏之內府又互稱

序

人聚氏之屬掌下地著水
止於萬水均水之法以及
溝瀆澮池之禁凡若此者
皆自虞耆禹貢昉也蓋禹
治水成功詳記山泉源流

及辨土定賦之事以反命
於帝在其時天子得請寃
南面不出几席而周知萬
里之外并後世却亦祖是
意而各備其所治之志其

序

二

間風俗之貞淫人民之苦
樂賦役之煩簡無不一覽
而知則志之所係豈其微
哉乃司民社者往往視為
不急之務而廢焉不舉又

何怪乎治之不古若也任
邑古為晉地其人尚儉朴
敦禮義猶有先王之遺風
焉此年以來民貧而俗悍
考厥所繇皆因九河下流

序

三

失其故道大陸氾濫而成
壑曰廬漂沒人民離散今
日之任大非昔日之任矣
余視篆者曰載於茲而三
遇如早催科極字備極艱

羅水開洩水之故道而
滄河牽制於隆平寧晉不
得已築澧河長隄二十里
之可救水患之七八又適
連歲大潦隄既成而漫壞

序

四

人咸惜之今年春 撫憲
于公下條陳之今余因以
大陸之積水災田千餘頃
請始江左淮揚例豁免災
糧繪圖上陳蒙允具 頌

如將來得邀浩蕩之恩任
之民庶有瘳乎然方俟得
請之後以災糴載入邑粟
俾為之後者知吾父母斯
民之責必尔可不為民而

序

五

請今也乃一撫憲謬列余
名於薦剡五月下辭奉行
取之

命又弗獲如願此余之所總
總然而亦去諸懷者也但

邑乘之闕而未補者自庚
申至今又不知凡幾於
以前邑侯季公之所脩而
續補之并余義舉之設大
宋楊之重建觴酌酒禮之

序

六

舉行咸載入焉蓋其大者
則詳亦方好略雖不於
得史家遺書而周官周禮
之所重可以裨益於世道
人心者一篇之中不啻三

致身爲守

聖天子勤恤民隱宵旰不遑
異日採風者以是書備乙
舉之覽惻然念任邑之利
病爲之去其所苦還其所

序

七

樂則此志未必不爲王道
之一助云是爲序

康熙二十五年丙寅六月
上澣

賜進士第文林郎知任縣事

奉

旨行取章函順天同考婁東

王原和撰



序

八

續補任縣志序

夫志何為而作乎曰所以志事
以示不忘也邑各有志而寧
各有事然其事又未可盡業
之於志蓋以事之鉅者前人

續補志序

業已為之而志之矣而其細者
則又不足志也余筮仕茲土
披讀任縣志前修 王之志
叙以任之澤水為憂按膺
內擢未終厥事噫昔羊祜

子謂謀可自我而定功不必自
我而成余視篆隸 王公後起
余之事而誰事耶 澤名大
陸載在夏書何呼為張家
泊而志凌美其名為小東湖

列入八景者將與浙之西湖並
埒夫六橋純柳夜月管歌乃
繁華快意之所七澤九汪洋
積久難耕民苦賦稅逃者
八九居者難折德山襄陵想

不過是則東湖景直是鄰侯
圖身章之事恐有大於是
者乎曰相靡形勢爰訪疏法
禹貢云又北播為九河同為
逆河入於海即所謂滄澤也

澤之尾閘連於滄澤奈濁
澤日久地已淤高若濬雞爪
諸河外水又下而內溢歷但
不能殺大陸之水且愈增其
滂薄瀰漫之熱又古負河

自任之穆字口至蘇臨平之崔
字樓鱗次四十餘如至順流而
下亦可真減但三海已變為
桑田鑿見在之所陌漫久塞
之故道興情難協所捐實

多疏既不可唯寧請蠲而
說者又以國有常賦久刊全
書未可輕議善為災黎請
命其消則蒼生之福不濟
志宰之事今

聖天子宵旰求莫時履以傷
賜蠲賜賑疊沛無已視此
蹄涔何難加惠特 入告維
艱致茲久困身幸於丙寅
歲際

接宰于公才不世出寄膺心
背攬 畿輔之綱任天下之
重甫塞率惟旌勅諮訪已
溺已饑情殷拯救此千載
一時也時又巡歷郡縣周察

民隱旌指任邑余即厯階而
前袖出詳文首舉水泊而
郡子魯公幹此一方痼瘵尤
切為民痛哭披陳疾苦力勸
題謁于公再三太息詩所

續補志序

六

清晚視為環視災所秉燭
死幸不可少緩須臾者乃不
旬日而

聖恩下被矣共計災田七百八
十餘頃免賦二千七百餘

兩父老垂泣士女歡呼斯固
天子之仁 予以之惠 曾以之
勸其為 王以之發其謗而
余也得傳厥宰職永得奔
奏厥事焉今而後任民其

獲活乎雖然勞則思逸則逸
茲年佳策茲年生聚羣相
泳游於熙、皞、之天東湖
景安知不遠美於西湖若
親魚鳥一 心

事力之大因烟波而憂希天
竺之竒匪侈則徧其防奢
杜漸又後來者之所有事
而非余之所及志也已
省

大清康熙三十年歲次辛未
嘉平月望前三日文林郎
知任縣事古蜀忠州賀勳

題



重修邑誌序

昔人有方言風俗通諸書握
鉛槧而勤輶軒盖亦稗野者
流也至志書則奉

功令懸則例將以示來者俾

苗序

一

觀感焉非具文爾也惟我任
邑爲兵燹餘燼其廢缺不修
者又多歷年所使非有百年
黎獻冊府羅胸掌故盈矚者
烏能記覩無遺悉載筆而登

牘乎而今既眇不可問矣則
一難于搜采也搜采不全或
得半而遺半何以成書又一
難于覈實也覈實未確將傳
信而反傳疑何以成書書之

苗序

二

不成有書與無書同不幾令
華峰衛君遂稱專美嘆音徽
之莫嗣哉時惟

介庵季公允爲文吏以淹雅
之才應

詔修志志書爲得所寄矣一時
哀輯條例務正其錯事蹟務
續以新如忠孝節義理學藝
文之類各循世次彙輯成編
亦旣炳炳烺烺蔚乎改觀矣

苗序

三

獨念前志載有三害其害之
最烈者無如九河下流橫溢
大陸水歸于壑而無壑可歸
澇病乎歲而每歲常澇屢有
議復故道者而地連數邑彼

此牽制卒難舉行此害不除
其何以邑猶幸令茲土者法
蓋公之清淨斥屠伯之慘酷
一方殘黎藉以稍甦否則漂
溺之下尚何戀茲土爲者披

苗序

四

覽至此又何待繪圖入告始
嘆民艱而圖拯救耶余不佞
洵膺

簡命徧歷寰區亦嘗省方問俗
爲民請命矣乃於梓里每廛

敬止不能反汙萊爲腴壤脫
此方於艱危也庶幾繹是編
者喟然念絕學之無傳力追
先正愴乎痛烝人之失所懋
著官方大爲此志生色則後

苗序

五

來居上方將輝映史冊寧獨
雄視一邑錚錚佼佼云爾哉

皆

清康熙十二年歲次癸丑季

春上澣之吉

欽命總督四川等處地方軍務


兼理糧餉兵部尚書兼都

察院右副都御史正一品

邑人苗澄太生氏撰

苗序

六



重修邑誌序

志書爲方輿掌故而任邑之殘
且缺者百餘年其間廢興之多
故利弊之相巡可勝道哉而臚
陳有次則簡牒爰成不自今日

謝序

—

止政可自今日始也上而天象
之災祥次而地力之沃瘠又次
而人才之盛衰朗若指數庶補
救爰興爲益干地方不小顧任
屬兵燹之餘事鮮遺文人無故

老欲彙輯成書也殆甚難之雖
然物始無例尚多創興舊牒猶
存旋圖續附亦顧折衷如何耳
任邑固奉

詔以搜討事宜釐定則例爲事其

謝序

二

間之廢興沿革幾何事也其間
之節義文章幾何人也而要以
風土之媿惡視乎政治政治之
得失視乎邑侯則邑之要圖卽
爲侯之善政所由出如今者九

河失其故道大陸之墟變爲巨
浸民不能無刈穫而辦賦稅官
不能恃笞朴以督輸將亦旣相
視藪澤將圖開濬矣而本邑之
利或非他邑之宜議同築舍坐

謝序

三

嘆望洋雖仁賢如

季侯不克爲小民請命拯淪胥
而登衽席也所幸催科有法撫
字彌勤雖漂溺餘黎不至于流
離轉徙則眞良牧之力也昔人

稱安靜之吏，困幅無華，公非其人耶？而今以簿書之暇，采掇軼事，抉幽拾落，惟恐不及。較衛公華峰蔚然改觀，非政事而兼優文學者，奚能臻此？余承先大夫

謝序

四

後自慚荒陋，睹志冊之有成，樂鑒戒之畢具。所望產于任者，學崇醇正，力追諸游先生之風，而令于任者，政尚廉平，仰繼陳李數令君之躅，則任雖衰颯，宜有

起色余卽朴拙無狀偃扉長臥
亦甚荷蔭映于無旣矣皆

皇清康熙十二年歲次癸丑仲春

旣望原任山西潞安府同知邑

人謝鑑冰壺氏撰

謝序

五



任縣志序

今之志書古史之遺也然古史止以錯記往蹟無關
鑒戒卽如魯史非孔氏筆削與他史等耳奚取也乃
今志則義在事中鑒戒昭然蓋效春秋之遺法云我
朝自一統志而下以及諸郡縣各有志任獨未有予
每念一及輒興慨嘆先是邑侯二三君亦嘗有志於
此以政事旁午謀未行而中輟至是華峯衛公以山
右豪俊來尹我任踰年而政成化行乃復起未有創
未備樹一時獨偉之巨觀暇日命諸生楊來游謝湘

任縣志達序

一

陳時雨訪求故老搜集往事復按圖籍採形勝辨名
物而屬學博莘野尹公約齋張公梅村秦公爲總校
若命義彰軌則悉斷自公裁燦然全志矣乃走幣丐
予爲序予惟在昔哲人達士號稱能致治興化者亦
不過因其風土之宜順其民情之便蓋善采者不易
色而呈工善鼓者不改絃而易聽聖人不云乎修其
教不異其俗齊其政不異其宜然士人握符遊四方
其所治非其所生其所聽非其所習見也所賴以彰
往察來稽厥俗宜以明政教者非志不可而今既有

志矣嗣是而遊吾任者諸所舉措不可考而知然
予緣是竊增懼麟閣雲臺當時肖形署姓其上者人
所羨慕奚啻青霄之上誠希觀竒睹由今而觀能俠
傍孔門可樹標準者幾何人斯其虛隆喪本炫華亡
實爲後生輩所指摘者亦不少矣予謬以賢科列名
於志得與山川草木共傳不朽私衷如登麟閣雲臺
者顧標準豈易樹立予之懼不益劇耶洙泗濂洛毓
秀發祥產於其間者何可以計數顧後人思潤色此
地誠以古聖賢自期待由周程而孔孟焉則覽是志
者得無曰茲地其洙泗而濂洛耶若是則公之教益
大且久矣

任縣志達序

二

隆慶元年冬十一月吉日

賜進士出身河南等處提刑按察司副使奉

勅提督通省學政邑人達其道題

任縣志序

順之屬邑有九任之文獻殆莫之先焉舊原無志故一方之文獻咸湮滅無稽宋元而上更爲絕響華峯衛公以惇大明作之才來牧茲士銳意興革純心振刷至於彰善癉惡尤爲慎重乃謂邑之有志猶國之有史史缺則無以昭憲章垂鑒戒志缺則文獻無徵其何以彰典刑遂聯師生旁搜博稽遠紹近求掇拾其要蒐羅其精英凡風俗宦績人物藝文忠臣孝子義夫節婦之類悉據實直書捐俸給錄分爲八卷

任縣志毛序

一

既成乃遣屬余序余曰志也以彰在以範來也不懼其未詳而其罔實故侈詞亡義架屋疊床者志之病也雖作何今觀茲志其文樸其事核其法嚴畧無不經之語雖未可上擬春秋之斷案然開卷而一邑之文獻粲然足徵茲不可以傳乎傳不可以久乎因復嘆曰天下無不可爲之事而興廢補陋存乎其人焉爾夫任之無志誠數百年之缺典也前乎公者咸置而弗問公一旦振而輯之厥績豈小小哉昔司馬遷作史而世次賴以明歐陽子作譜而代緒賴

以定今創志著文獻之懿以爲垂遠之計則後之觀
茲志者必將曰某風俗可尙某宦績可法某人物可
師某藝文可述某也忠臣某也孝子某也義夫某也
節婦可則而可效俾官守有所視士夫有所勸風俗
有所勵善者勉惡者懲是志一作而衆美萃焉然則
茲志也將有淑世化民之功以貽無窮者豈徒曰文
獻足徵而已耶是爲序

賜進士第中憲大夫奉

勅整飭九江安慶等處兵備江西按察司副使前知

任縣志毛序

二

揚州府事邑人毛朮題

同修姓氏

府學教授署任縣儒學事張鼎銓

較閱

任縣儒學訓導

李升龍

任縣典史

許成裡督梓

鄉紳

苗澄

韓有倬

謝鑑

李昇

劉滋

任縣志

一

李鳳翔

鄭一麟叅訂

文學

謝元震

史抱樸

孫觀光

杜民賀采輯

總裁

巡撫直隸等處都察院右副都御史金諱世德

直隸守道管理錢穀副使 丁諱思孔

直隸巡道總理刑名驛傳副使董諱秉忠

整飭大名道僉事 孔諱胤樾

順德府知府 楊諱于廷

同知 湯諱維新

通判 黃諱鵬

任縣志

一

凡例

一志當分品類視其重輕以爲先後有分野疆域山川而後有建置而後有戶土遞而至於官師典禮選舉人物紀龐而以藝文終之其間節目又各以類相從庶觀者不致後先易位

一編年當倣春秋若災祥若選舉舊志皆失體今正之

一壇廟皆紀欽班定制及見於經傳功德垂世爲民捍災禦患者與第八卷緇黃所祀寺廟不同

任縣志

凡例一

一

閱者勿作平等觀

一舊志所載賦役甚簡由今視昔亦欵項不同應增者詳之應畧者逸之悉照全書開載庶幾一目瞭若指掌

一官師舊志隆慶以前旣多掛漏隆慶以後漫不可考今續增姓氏皆從碑碣中搜得者碑碣之外所遺尙多亦聽之無可如何而已

一典禮舊志僅登吉禮而軍賔嘉弗與殊爲缺畧今悉補之

一舊志文廟祭儀祭品祭文俱闕今悉查補

一選舉例應由弟子員而明經而乙榜而甲榜以次漸進舊志先甲榜而後及乙榜明經殊爲失體如李景萃丙午丁未聯捷丙午之下卽註云登丁未進士以表之若先丁未而後丙午不幾倒置乎又如李厚甲午乙榜也踰二十年始登癸丑進士順數之始易見若先癸丑而後甲午不又當逆數乎又如胡準宣德間已出仕而稱正統甲子科不又背謬乎今悉正之餘倣此

任縣志

凡例一

二

一志明經或有登甲乙榜者亦應收入下註 登

某科

甲 乙
榜 榜

不應以其既登兩榜而去之舊志缺

畧無考今仍之

一人物皆採之薦紳先生及三學諸同志品必協乎公好論必洽於輿情方敢收入不能曲徇揄揚以穢信史

一孝子節婦有品行彰著衆所矜式未經旌表者亦載之以闡幽芳以維風化

一舊志寺廟簡略其建造修復俱無歲時姓氏今

悉考訂補入

一舊志詩文所收不過數章殊覺寂寞今博加採訪擇其稍華腴者以資娛覽

一繪圖雖屬末事然展卷而四境在指掌間亦不可少舊志止續一圖既無四至又無里社其城池官者里巷亦未表而出之今悉補入

目錄

卷之一

分野 沿革 疆域 形勝 風俗 山川

八景 災祥

卷之二

城池 縣治 壇廟 學校 行臺 衆建

卷之三

戶土 賦役 物產

卷之四

任縣志

目錄

一

官師 武備

卷之五

典禮

卷之六

選舉

卷之七

人物

卷之八

寺廟 塚墓 古蹟

卷之九

藝文

誥勅 城池橋閘碑記

卷之十

藝文

臺署碑記 學校碑記
德政碑

卷之十一

藝文

廟寺碑記 序記 引
墓誌銘

卷之十二

藝文

詩賦


任境圖說

任境袤三十里廣倍之其四至皆郡屬邑爲里一十有五村一百一十有五去


京師八百里而遙他邑皆不通舟楫任獨水陸兼之城垣雄峙甲于隣封上雖不得擬于燕韓下猶得比于邾莒惟是地瘠民貧賦役煩重牧茲土者藉擘畫焉


圖一





圖二





圖三

昴西方之宿主趙主兵主

本朝主白衣會堯時仲春日在昴今仲春日在畢堯

時冬至昴昏中今大寒後昴昏中



任縣志卷之一

知縣季 芷介菴重修

分野

按周禮春官保章氏以星土辨九州所封之域故裨竈登大庭而知宋火史墨論福德而十越興天光下臨地德上載乾坤相應其占驗有不爽者志分野

禹貢冀州之域屬昴宿

任縣志

卷之一

一

天文志胃昴畢大梁也趙冀州分野

又云循北方河之表西盡塞垣皆旄頭故地爲昴分冀州之兆

史記天官書云昴畢間爲天街其陰陰國陽陽國

宋兩朝天文志昴七星距西南星去極七十度

山河兩戒圖胃昴畢星曰大梁宮曰金牛辰曰西州曰冀爲趙分

明清類天文分野書云胃畢在西自胃四度至畢六

沿革

世代滄桑燕秦朝暮位號屢易郡國隨更苟非
遡徃以迄今則幾刻舟而求劍矣志沿革

按一統志任縣本春秋時晉張縣地鄭皇吉為任大
夫故名廣祐王廟碑又稱晉封羽頡地戰國屬趙西漢分張縣地置

任縣屬廣平國東漢屬鉅鹿郡晉省鉅鹿入任屬廣
平郡後趙置苑鄉縣尋改清苑縣屬襄國郡後魏省
南和入清苑隋後改為任縣開皇三年省鉅鹿郡以

縣入洺州今廣平府十一年又割任等六縣置邢州後唐

任縣志

卷之一

二

復置宋省入南和尋復置屬信德府金屬邢州元省
入邢臺尋復置屬順德路明屬順德府
國朝因之

沿革表

代	域	郡	縣
唐虞三代	冀州之域		
春秋	晉		張
戰國	趙		張 <small>一名渚陽</small>
西漢		廣平國	任

					國朝	明太宗	明	元	任縣志	金	宋	唐	隋 開皇十年	隋 開皇三年	後魏	後趙	晉	東漢
					直隸京師	北京	北平布政司	燕南河北道	卷之一	河北西路	河北西路	河北道	冀州部	冀州部	司州部	石勒之都	司州部	冀州部
					順德府	順德府	順德府	順德路	三	邢州	信德州	邢州鉅鹿郡	邢州	洺州	北廣平郡	襄國郡	廣平郡	鉅鹿郡
					任	任	任	任		任	任	任	任	任	任	苑鄉	任	任

疆域

古者分茅胙土自天子以至附庸班有定制迨易封建而郡縣則疆圉袤廣不一矣若因里定賦則所受幅幘畫然具在志疆域

昔禹平水土導河自積石北過泮水至于大陸司馬遷班固皆謂已過信泮則西山勢斷曠然四平謂之大陸任卽其地也其東北爲大陸澤云

任縣四境廣六十五里袤三十里東至鉅鹿界四十里西至邢臺界十里南至南和界五里北至唐山界二十五里東南至平鄉五十里西北至內丘六十里東北至隆平六十里西南至沙河六十里東北至京師八百七十里東南至江南二千八百三十里

形勝

鞏皇輿者在德不在險河山之固詎足恃哉然披圖而知阨塞守要害者所必資志形勝

南枕龍岡北縈聖水西則太行聳翠東則陸澤瀦靈路當眞廣之衝地連秦晉之境車馬達於都會舟楫通於天津

風俗

禮曰入境問禁入國問俗蓋以四方之民趨向不一習與性成故仲雍文裸於吳宣尼獵較於魯雖聖賢亦安之至於返澆爲淳易奢爲僕是又在上之所好耳安見文翁之不能化蜀哉志

風俗

人性敦厚務在農桑好尚儒術傷於遲重

隋志

質厚少文氣勇尚義

宋史地理志

冠禮 久不行

任縣志

卷之一

五

婚禮 始通媒妁行聘定禮次納采筵會女家先過
妝奩既婚三日婦廟見拜舅姑伯叔

喪禮 凡有喪弔臨送旌行家祭禮散孝經親戚送
葬至墳墓亦有與孝婦行收頭禮者

士大夫無祠堂惟奉先世神主或以影像饗之
凡有吉凶之事卽治樽醑遍邀親友斂取銀錢名曰
打網想亦末世使然古人恐不如是

邇來尤輕生健訟睚眦之仇必興雀角詬誶之辱輒
自雉經雖痛懲勿止也

迎春各行俱扮雜耍爲戲

元宵東西北三門大街俱各張燈施放煙火花炮及
劇錢扮戲以爲娛樂 十五十六兩夜婦女踏月夜
遊名曰走百病

春日其女競蹴鞦韆爲戲

清明行祭掃禮焚楮課於塚墓間中元十月初一皆
同

每歲東關以上巳日西關以四月一日爲大集商賈
畢聚士女駢填土人以爲盛觀

任縣志

卷之一

六

五日無競渡其繫臂泛蒲餽遺角黍俱與他邑相倣
七夕不行乞巧

中元不行盂蘭會

中秋士庶之家皆飲酒玩月與他邑同

重九不登高

除歲祀先祀神大約與諸邑同

山川

自隨濬定於禹貢嶽瀆紀於職方山川尙矣
任雖蕞爾邑無崇巒巨浸與海岱並峙爭流然
一丘一壑亦皆秀氣所融結也志山川

龍岡 在城南東西長二十里許臺南堡其龍頭也
古有清涼寺

沙岡 在縣東北二里許

嶺南岡 在縣東北二十里許因以名村一曰嶺南
一曰岡上

任縣志

卷之一

七

達活泉 舊名蓼末發源自府西北達活泉泉南一
泉曰紫金泉從南入郡濠卽牛尾河也泉北一泉
曰野湖泉三水匯流總名曰達活舊與牛尾同入
故亦名牛尾今北徙經邢之李道村東北入任縣
地至趙五家圪臺南有順水合入至薄村方自西
有蔡馬聖水河合入至塔圪臺南合百泉河
百泉河 一名渦水發源府東南葫蘆套黑龍潭多
泉湧流直至南和縣賈朱村東入任縣地至王村
方西有牛尾等河合入至塔圪臺入雞爪河東南

有澧河殷陳溝合入至邢家灣合入滏陽河

沙河 在縣西北二十五里發源邢西栲栳洪山曰
洪河下合沙河縣西北之溫泉至雞澤浮屠店東
北與洺水合流下爲沙洺河經南和縣之北高村
迤西入任縣地至石家溝

洺河 在縣東二十五里發源太行山由臨洺關至
雞澤縣浮屠店東北與沙河合流下爲沙洺河經
南和縣之北高村迤西入任縣地至石家溝入滏
陽河

任縣志

卷之一

八

滏陽河 在縣東二十里一名濁漳發源河南彰德
府之磁州至平鄉中義疇橋入任縣地統泄大陸
澤諸河之水經隆平東直北下達天津入海今水
勢變遷沙土淤高水反內溢

澧河 在縣東二十里發源自府西路羅諸山其源
有二一自猪庄之北川來者曰烏梅河一自溫泉
之南川來者乃洪河分流也直至南和縣東北下
十五里至大趙又十七里至郝橋大趙至郝橋皆
大郝地河岸低薄常汜濫決口郝橋北五里入任

縣地至塔圪臺前西合百泉入雞爪河

元郭守敬嘗議澧河過古城失其故道沒民田千餘頃若開之其田可耕明正德十六年知縣張瓚始用守敬之議而開修之民獲其利

蔡河 在縣北十里發源府北梁原店之西山經邢臺縣之時村村後又有泉水合入二里許至任縣地一南向環城濠一北向東折穿城出北門合濠水東流入聖水河

馬河 在縣北二十里發源邢之西山馬嶺川至比蓋宗人任縣地舊由橋頭尹家庄吳鐵家庄馮村

任縣志

卷之一

九

北留寨入泊因故道迷失日久今隨水勢自北張東北引合聖水河

聖水井河 在縣北十五里發源本縣西北界井泉從地湧出成河其南有蔡河合入至北張村東北至南有馬河合入至東馬橋東下六里許合入達活河

泚河 在縣東北三十里源出自臨城縣西山舊由神槐樹經唐山隆平東北下至寧晉縣入滏陽河今自唐山縣南向大市口賈村魏家庄大莊頭入

任縣地由張村王村入泊

河 在縣東北源出常山房子縣贊皇山舊直北合泚河今由唐山之干言屯至牛村入任縣地經薄村東南合入馬河

牛家口河 漳河支流也自曲周縣經平鄉中義疇入任縣地南新庄至邢家灣合入滏陽河

程寨河 沙河支流也一名新沙河起自沙河縣南經雞澤縣之柳下村有柳下泊之水合入至南和縣回家庄侯過村徐家庄郝橋村四處俱有溝溝

任縣志

卷之一

十

悉引澧水俱合入新沙河河由郝橋村大里入任縣地三里至程二寨轉西二里至駱庄折北四里至達家庄五里至東盟臺入泊河以程寨名者志害也

劉累河 滏陽支流也一名小漳河起於廣平府西南間村開永年縣西鄉胡賈等村引水汜濫環府北堤外東下由南和縣之北高村入任縣地二里至雙鬢頭三里至劉累村 里至甄庄方西入沙洛河地勢窪下受害獨多故河名劉累

牛尾河 在縣西南發源府西北之紫金泉流環郡城至北門之東而東北下自高庄橋經邢臺之張村蕭五家橋河渠等處至李道村東南入任縣地河頭村至大宋村合入順水河

順水河 在縣西百泉河北支流乃邢臺之東汪大賢廣潤溥濟永澤重興等十八閘之潰水經石井賈郭等處至南和之賈宋村東入任縣地其北又有自邢臺之牛尾河分水經縣南至大宋村二水合流至趙五家圪臺合入達活河

任縣志

卷之一

十一

殷陳溝河 百泉河南支流也上流有二一係南和之賈宋邵寧屯兩閘七桶之潰水十五里入任縣地白佛店經杜科單家庄邵家庄一起本縣大宋村胡家閘經胡家庄翟家庄陳家杜科杜家庄至邵家庄後二水合流經駱庄方入臺南店東新建三橋卜流而東北入澧河

大陸澤 在縣東北十里許週數十里諸河之水皆匯於此一名小東湖一名張家泊

知縣吳懷忠漳家泊辨學不攷古今山川亦易名而改姓弊不在小如大陸澤一名張家泊

年知縣李鏞合眞順兩府夫役浚之自穆衆口至羊毛圪塔上下相距四十里深廣各丈許水順流直抵天津入海不獨任地可耕而鉅鹿隆平盡爲膏壤碑記尙存迄今淤爲平地水不能洩任之受害者凡三十七村而隆亦不無淹沒之患

黃家溝 在雞爪河南

楊家溝 在雞爪河南

張滋溝 在雞爪河北

石家渠 在縣東邢家灣

任縣志

卷之一

十三

按黃楊張滋等溝石家渠分洩衆水達滏河今滏水內溢淤不能疏

附八景

邑人謝鑑記

流水環漪

水自西南達於東北環流郭外卽蔡河也其一支分流入城遶縣治泮宮又向東北一曲而去碧浪迴瀾雲天一色清波觸石 誦同聲縱葦臨流大有泉石間想湮沒已經百有餘載康熙十二年季侯重浚

宮牆靈井

井在文廟前玉石橋東相傳魏太傅游雅鑿衆泉
皆涵此泉獨甘遇午酉歲則更溢故鄉書多發於
是年人傑地靈洵乎不爽

蔡橋曉月

橋在城北十五里許卽古蔡河渡今橋頭是也昔
王寧宇詩云笛弄短長調月明上下天又李茂之
詩云無心到處人隨月有意今宵月近人皆橋邊
泛月句也

章臺晚照

任縣志

卷之一

十四

在城東三里許昔稱鍾靈臺近臺居者多登科甲
故名草木蓊鬱樵牧往來每日落時則返照映臺
如帶曙邑後廢於百泉水漲故址尙存

東湖勝覽

湖在縣東北十里許詳見禹貢及史卽古大陸澤
也一碧停泓印山吞月鳥魚翔泳草木葱菁韻士
高人多觴咏其間泛舟則櫂擊空明人遊鏡裏登
樓則開窓鑿翠舉目烟波昔賀玉壺詩云林影翠
重迷梵宇湖光雲淨蕩蘭橈又駱順之詩云移船

影動波心月橫笛聲隨水面風皆記 之實也

聖水靈波

在縣西北十五里許以元君主其祀廟前有數泉

湧出清冽異常環遶垣外流而爲河古樹干霄

徹水底遇旱有禱輒應

西劉煙柳

在縣西五里許昔盛時濃蔭五里行人便之稱曰

西柳長廊久已憔悴今又培植漸復武昌勝槩矣

雙塔鍾聲

任縣志

卷之一

十五

塔近堯山在城北三十里許建於元朝上有古鐘

名曰天籟清夜叩之覺雲影天際皆鯨吼聲至今

以爲奇異

大陸澤圖說

任邑之大陸澤廣袤數十里九河之水皆滙焉汪洋浩蕩望之居然一湖而不知實皆兩稅之民田淹久而成巨浸者也九河為洺沙蔡馬澧河達活百泉聖水滏陽而澧河滏陽為之長九河之外尚有泆洧等八河皆自任之西南西北而歸于大陸澧獨深且長元郭守敬所以獨議開澧河也而滏陽則自穆家口統洩大陸之水經隆平寧晉直達天津衛河以入于海 萬曆二十六年漳河決曲周縣鄭家口溢入滏

任縣志

卷之一

十六

陽而隆平以下地淺易淤其人又因之以為利盡占為沃上於是滏陽又決而東徙其故道猶存乃所謂古滏河也古滏塞而大陸之水因從雞爪小河以東瀉于新決之滏陽亦其勢使然也然則昔之大陸始從古滏而遠達天津繼從雞爪而近瀉滏陽澤中之水有所來亦有所去可耕可稼財不匱而賦亦足今古滏之故道阻塞在隆平寧晉難議疏通新滏陽亦淤高丈餘雞爪河水反內溢故澤中之水有來無去積而為泊向口輸租納稅之田盡滄水底是以賦稅

災祥

人事乖於下天變應於上故夫子作春秋二百四十二年之內災稷旱潦必書紀天變實所以徵人事也任居九河下流西南惡旱東北惡水其雨與他邑異而蝗蝻兵燹又數數見觀此可以知人事矣志灾祥

三代秦漢唐無考

宋

乙丑 咸淳元年元至元年 邢州盜趙大王據任縣武安軍

任縣志

卷之一

十六

節度使王義討平之

元

泰定 年沙澧洛三河水溢

舊志稱泰定七年按史泰定帝在位五年甲子歲改元泰定至戊辰歲文崇即位改元致和無稱今缺之

明

壬辰 成化八年饑

壬寅 十八年大水

癸巳 十九年蝗

申 壬 正德七年流寇攻任縣弗克

酉 癸 八年秋黑青見

寅 戊 十三年蝗

寅 庚 嘉靖九年大疫

未 乙 十四年大水

秋有星大如斗群星隨之自西北流入東南少頃天

鼓鳴如雷

丑 癸 三十二年夏六月大水害稼

秋九月有星光如月自西北流入東南少頃天鼓鳴

任縣志

卷之一

十七

寅 甲 三十三年春大饑人相食

申 庚 三十九年旱蝗大饑

亥 癸 四十二年夏六月大水

淫雨不止平地水深
丈餘漂沒廬舍無筭

西 癸 萬曆元年闢南門

酉 乙 十三年旱

戌 丙 十四年旱

亥 丁 十五年旱

子 戊 十六年旱

無出人民離散若不請蠲水中糧額則束手待斃民
困無再甦之日矣丙寅五月余放掉澤中周行細訪
乃知舊圖多舛因詳加較正并繫之以說盖禹貢之
大陸既作杜佑謂今邢趙深三州則任本屬邢知大
陸不止于任而任實其地也至所謂滏陽河者發源
河南磁州與漳水不相混也禹貢至于衡漳之漳水
有二出山西樂平少山者爲清漳出長子縣發鳩山
者爲濁漳至潞之涉縣濁漳合入清漳經臨漳而東
北入衛自萬曆中漳水決曲周入滏陽因名小漳河
及經大陸而北塞于隆平又名古滏河今又以滏為
負益訛之訛矣至隆平寧晉為古滏河洩水之故道
皆因運年塞而不通以致任獨受害故亦不可以不
詳也
委東王原祁撰

丙辰 四十四年塞南門

本府通判署縣事凌子任謂不利於土子塞之

乙亥 崇禎八年饑

戊寅 十一年冬十一月清兵攻任縣克之

庚辰 十三年大饑人相食 築城 原係土城知縣盧時升易以磚

辛巳 十四年大疫

國朝

戊子 順治五年夏六月大水

大雨自六月初一日至七月初八日止

任縣志

卷之一

十八

丙申 十三年秋七月雨雹傷稼

甲辰 康熙三年旱

乙巳 四年春三月地震彗星見太白經天

丙午 五年蝗

丁未 六年秋九月地震

戊申 七年春正月夜有白氣如天河見南方 五六日方滅

夏六月太白經天地震

秋七月大水壞城

庚戌 九年旱

亥 辛
十年旱

子 壬
十一年夏六月大水

寅 甲
十三年夏六月大水

卯 乙
十四年秋七月霪雨傾民房

辰 丙
十五年春大旱夏五月紅風暴起

巳 丁
十六年秋河水溢

午 戊
十七年秋大水

未 已
十八年春瘟七月地震如雷八月霪雨九月大水冬

無雪

任縣志

卷之一

十九

申 庚
十九年四月雨雹大如卵縣東禾稼皆傷夏秋旱

季芷曰燕趙古稱四塞之國攻戰所必取任無
高山大川可以設險自三國以至遼金皆為閩
位所據千年之內兵革相尋故未免土滿之病
第昔時風氣尚義賤利多悲歌慷慨之士今則
輕生健訟風斯變矣

亥 十年

子 壬 十一年夏六月大水

季芷曰燕趙古稱四塞之國攻戰所必取任無
高山大川可以設險自三國以至遼金皆爲閨
位所據千年之內兵革相尋故未免土滿之病
第昔時風氣尚義賤利多悲歌慷慨之士今則
輕生健訟風斯變矣

任縣志

卷之一

十九